

IJ WI RY'UBUHANUZI

Ishure Rya Bibiliya
Mw iposta

B.P. 1210
B.P. 1

Bujumbura
Nyabisindu

Burundi
Rwanda

ICIGWA CA 27

IMYAKA IGIHUMBI Y'AMAHORO

Mu cigwa giherutse twize k'urubanza rw'abanyavyaha rukomeza kuba mw ijuru mu gihe c'imyaka igihumbi, kand'iyo myaka itangurana no kugaruka kwa Kristo.

Dushobora kumeny'iki c'iyo myaka igihumbi?
N'ibihe bintu bitegerezwa kuba imbere yayo, mu gihe cayo no hanyuma y'ico gihe kingana girtyo? Ubu rero dutumbereye - kwishura ico kibazo dukurikije inyigisho z'Ivyanditswe Vyera.

1. Imvugo zibiri mw ijambo rimwe.

Mu gitabo ca kera haboneka ibihe cenda amajambo afataniye hamwe ari yo myaka igihumbi (muri Zaburi 90:4). Har' amajambo yakoreshejwe n'umutumwa (2 Petero 3:8) iyo myaka igihumbi igereranywa n'igihe kitagira iherezo mu gitabo c' (Umusiguzi 6:6) bavuga ivy'imibereho yakekwa yuko yoshobora kuba igihumbi incuro zibiri.

Ariko mu gitabo c'Ivyahishuwe mu gice ca 20 yavuzwe incuro zitandatu "Imyaka igihumbi" igereranya igihe c'imyaka igihumbi koko, izobaho hagati y'imizuko ibiri. Ayo majambo abiri ari yo "myaka igihumbi, afatanirije hamwe muri iri jambo ngo "MILLENIUM" ni jambo ritaboneka muri Bibiliya no (mu y'Ikinyarwanda ntaryo). Iryo jambo ryashiriweho kuvuga, imyaka igihumbi yo mu Vyahishuwe.

2. Ubwami buciye hagati bw'Umwana.

Imyaka igihumbi n'igice c'integuza y'ubwami buhoraho bwa

Data wa twese; n'ic'ubwami buca hagati bw'Umwana.

Umugambi w'iyo ngoma ya Kristo y'imyaka igihumbi n'uwo kurangiza igikorwa c'ubucunguzi, kubwo kugarukanira isi yose amahoro yar'ifise ikayakwa n'ubugome bwa Luciferi n'ubw'umuntu. Mu gihe amahoro azoba amaze kugarurwa, Data wa twese azosubizwa ububasha ari we mutware atagira amakemwa w'ijuru n'isi.

Ariko Kristo ntazoganza kw'isi. Azoganza mw ijuru hamwe n'abacunguwe. Twibuke isezerano yahaye abigishwa biwe (Yohana 14:3). Nzogaruka kubajana i wanje ngw aho ndi namw aba ari ho muba. Umutumwa Paulo avuga ko mu misi yo kuza kwa - Kristo ishengero rizotunganywa neza rikajana mw ijuru (2 Korinto 4:16,17).

Na none intumwa Yohana avuga mu (Vyahishuwe 20:4,6) kw'abagororotsi bazoba baherezi b'Imana na Kristo kandi ko bazimana na we mur'iyoy myaka igihumbi.

Canke Kristo mur'iyoy myaka igihumbi azoaba ar'umucamanza afatanije n'abatoranijwe, acir'urubanza abanyavyaha n'abama rayika baguye. (Soma Yohana 5:22,27; Abaroma 2:16; 1 Abakorinto 6:2,3).

Umutumwa Yohana yavuz'ivy'urwo rubanza mu (Vyahishuwe 20:4). "Mbona intebe z'ubwami mbona abicaye kuri zo bahabwa, ububasha bwo guc'ianza."

3. Isi ihinduka umusaka.

Mur'iyoy myaka is'izoba imez'ite? Izohinduka umusaka. Ntabantu bazoba bayibamwo izoba irikw'ubusa itagira ishusho, - nk'uko yar'iri itararemwa. (Itangiriro 1:2).

Ijambo "Tohu-bohu" n'ijambo ryavuye mu Ruheburayo rivugako ngo "ikitagira ishusho" "kirikw'ubusa". Nkuko ryakoreshejwe mw' (Itangiriro 1:21). Kand'Umuhanuzi (Yeremiya 4:23-26) - yararikoresheje aho yabona Palestina uko izomera nyuma yo gucirwakw iteka, rikazoba icitegererezo c'iteka rizohorezwa iyi si yose mu myaka igihumbi; rikazotuma iba umusaka nk'uwayibanjirije itararemwa.

"Umuhanuzi yavuze ati: Nitegereje isi, mbona ntigir' ishusho kandi iri kw'ubusa; n'ijuru naryo nta muco ryari rifise, nitegereje imisozi miremire, mbona iratigita, n'iyindi yose iranyiganyiga. Nitegereje mbona nta muntu ariho, n'ibisiga vyose mu kirere vyahunze. Nitegereje mbona ahantu, hamera cane habaye ubugaragwa, ibisagara vyaho vyose vyara

sanganguriwe imbere y'Uhoraho kubw'uburakari bwiwe bw'inkazi.

Umuhanuzi (Yesaya 13:19) na we avug'ati: "Ehe umusi w'Uhoraho uraje, ni ruburakigongwe, uzananye n'ishavu, n'uburake bw'inkazi; ng'uhindure igihugu imisaka, ugeze abanyavyaha baho ngo bagishiremwo.

Ivyanditswe Vyera ntibitwereka ko muri ya myaka igihumbi izob'iri nk'izahabu. Ahubwo bitwigisha k'umusi wo kugaruka, kwa Yesu uzohurirana n'ivyago bisangangura bizotera kw'isi; kand'isi ntac'izomenya imbere y'iyo myaka igihumbi.

4. Satani abohwa.

Ukw'isi izoba ar'umusaka vyerekanwa n'ibi bidusobanurira mu Vyahishuwe aho tubon'uko marayika azoza akaboha Satani ngw'amare imyaka igihumbi.

Mbona Marayika amanuka avuye mw'ijuru, afise urufunguzo, rw'ikuzimu; afise n'ikinyororo mu minwe. Afata ca gisato, ni co ya nzoka ya mbere irindi ni Satani, akiboha ngo kimare imyaka igihumbi, agikororera ikuzimu arahadadira, ashira kw'ikimenyetso kikirumanya, kugira ngo ntocongere - kuzimiza amahanga, gushika ah'imyaka igihumbi izoshirira:ni yashira, gikwiye kubohorwa ngo kimare igihe gito. (Ivyahishuwe 20:1-3).

Aha tuhabona ivyitegererezo. Guhonya kuzoherengeteza abanyabibi Yesu agarutse kujana ishengerero ryiwe mw'ijuru, - kuzotuma isi isigara ubusa. Kubera ko Satani atac'azob'ari-kw'arakora co kwosha abantu, azob'ari we nyene mur'uwo musaka ni kwo kubohwa. Ntaburenganzira azoba afise bwo kugira uw'agirira nabi. Azoba agendagenda kw'isi y'umusaka, arabe hose abone ingaruka y'umugararizo wiwe mw'ijuru n'ivyo yakoze mw'isi. Hirya no hino nta kintu azohabona.

Na none mur'iyo myaka igihumbi, mw'ijuru, ubwami bwa Kristo n'abagororortsi bazoba bariko baracir'ianza abanyakibi hano kw'isi har'irungu. Satani ayigumemwo wenyene atac'akora. Ivyo tuyemezwa n'Ivyanditswe Vyera.

5. Imbere y'Imyaka igihumbi.

Imyaka igihumbi iri hagati y'imizuko ibiri, ariko iyo mizuko ibiri ihagatiye ibintu bikuru tutobura kuvuga. Naho vyinshi muri vyo bizabera icarimwe, ni vyiza kubivuga tubikurikiranije.

Ikintu gikuru kiyibanjirije, n'ukuza kw'ubwiza kwa Yesu.

Azoza habanje kuba ibimenyetso vyinshi biteguza uko kuza kwiwe. (Luka 21:28-33) nyuma y'isobanura rikomeye, ariko gutandukanya abera n'ababi (Matayo 25:31-33) kandi hazoba arinyuma y'isukwa ry'ivyago ndwi vy'imperuka vyo mu Vyahishuwe 16.

Kugaruka kwa Yesu gukurikiwe n'ibintu bine:

1. Umuzuko w'abagorortsi bese, kuva kuri Abeli, ku geza ku wuzopfa ubwanyuma. Uwo ni wo muzuko wa mbere. Kristo yaravuz'ati ico Data agomba k'ubona umwana wese akamwizera, agira ubugingo budashira, nanje nkazomuzura ku musu w'iherezo; (Yohana 6:40). Ivyerekeye umuzuko tuzosubira - kuvyumva mu kindi cigwa.
2. Guhindurwa kw'abagorortsi bazaba bakiri bazima bagafatanyaga n'abazoba bazutse. (1 Korinto 15:50-53; 1 Tesalonike 4:16,17).
3. Abera bazokoranirizwa hamwe baduzwe mw ijuru icarimwe (Matayo 24:31; 1 Tesalonike 4:17).
4. Ubwoba bw'abanyavyaha n'uguhona kwabo kubw' ubwiza bwa Yesu agarutse.

Twibuke kw ari rwo rupfu rwa mbere, abanyavyaha ndetse, n'abanyabibi bese n'abandi bapfuye imbere y'ico gihe bese bakwiye kuzozuka inyuma y'imyaka igihumbi ngo bacirwe kwiteka bazoba baciriweko muri rwa rubanza ruzobera mw ijuru muri ya myaka igihumbi. (Ivyahishuwe 6:15-17; 2 Abatesaloni ke 1:7-10).

6. Nyuma y'imyaka igihumbi.

Hazob'iki nyuma y'imyaka igihumbi?
Imyaka igihumbi izokurikirwa n'ibintu ndwi, kandi icanyuma, kizob'intango y'ubwami buhoraho bwa Data wa twese. Eh'uko - bikurikirana:

1. Kristo n'abamarayika n'abacunguwe bazomanuka - bave mw ijuru baze mw isi, bari muri Yerusalemu nsha. (Zakariya 14:3,4; Ivyahishuwe 21:2).
2. Abanyabibi bese ar'abazoba barapfuye uherye - kera gushika kuri bamwe bazicwa n'ubwiza bwo ku garuka kwa Kristo, mw itangura rya ya myaka igihumbi bazozukira gucirwakw'iteka. (Yohana 5:29 ahahera; Ivyahishuwe 20:5 ahabanza).

3. Satani azobohwa, n'ukuvuga k'umuzuko w'abanyabibi, uzotuma abona abantu agerageza bitume yongera gukoresha inkomezi ziwe. Abahatira kuja kurwanya abari muri Yerusalemu nsha. (Ivyahishuwe 20:7,8).
4. Satani azorongora abanyabibi bakikuze Yerusalemu nsha, ico gihe Imana izoyigarukira, ibagaragarize ivyaha vyabo kandi ibemeze guseng'umwana wayo w'icubahiro. (Ivyahishuwe 20:9,11,12).
5. Abanyavyaha bahone. Satani n'ingabo ziwe bahabwe igihano c'akabarore: Icaha kiveho, n'urupfu, ntiruzosubira kwibukwa. (Ivyahishuwe 20:9,10,14,15; 21:8; 1 Korinto 15:26).
6. Isi yezwe n'umuriro ihinduke nsha nk'uko yar'iri ikiva mu minwe ya Rurema. (Edeni). (2 Petero 3:10; Ivyahishuwe 21 cose).
- 7; Umwana asubize se ubwami; ni co gihe co guhindura vyose bisha. (Ivyak. 3:21) Imana ibe vyose kuri bese. (1 Korinto 15:28).

Hasohore rya jambo ryavuzwe n'umuhanuzi Habakuki (2:14): ngo "Isi izoba yuzuye ukumenya Uhoraho nk'ukw'amazi abungereye ku kiyaga."

XXXXXXXXXXXXXXXXXX

IBIBAZO VY-ICIGWA CA 27

1. Mugihe c'imyaka igihumbi abagororotsi bazoba bari hehe ?

- A. Kw'isi hamwe na kristo
- B. Mw'ijuru hamwe na kristo
- C. Mu kirere hamwe na kristo

2. Mugihe c'imyaka igihumbi abanyavyaha bazoba hehe ?

- A. Mu muriro
- B. Kw'isi
- C. Bazoba bapfuye

3. Imbere y'iyoy myaka 1000 hazoba iki ?

- A. Kuza kwa yesu n'izuka vy-abantu bose
- B. Kuza kwa yesu n'izuka ry-intumwa
- C. Kuza kwa yesu n'izuka ry-abagororotsi

4. Inyuma y-iyoy myaka igihumbi hazoba iki ?

- A. Yerusalemu nsha izova mw'ijuru
- B. ELIYA azobwiriza yihanishe
- C. Imanza zizocibwa

IJWI RY'UBUHANUZI
ISHURI RYA BIBILIYA MW IPOSTA
B.P. 1210, Bujumbura
Burundi.



Izina.....

Ah'uba

.....